КАСБИ ТУМАНЛАРАРО ИҚТИСОДИЙ СУДИНИНГ АЖРИМИ

(даъво аризани кўрмасдан қолдириш тўғрисида)

Миришкор тумани

2024 йил 6 март

Касби туманлараро иктисодий суди судьяси Х.Ч.Абраев раислигида, А.Убайдуллаевнинг котиблигида, судья ёрдамчиси Ўзбекистон Савдо-саноат Қашқадарё худудий палатаси вилоят бошқармаси даъвогар "LITAI TEXTILE OVERSEAS" МЧЖ шаклидаги хорижий корхонаси манфаатини кўзлаб, жавобгар "ROZIOOV ABDURASHIT" фермер хўжалигидан 60.138.993 сўм асосий қарз, 66.981.000 сўм жарима ундириш тўғрисидаги даъво аризаси бўйича ишни даъвогар вакиллари Ж.Назаров, А.Сатторов (ишончнома асосида)лар, (жавобгар вакили иштирокисиз) иштирокида, Миришкор туман солик инспекцияси биносида очиқ сайёр суд мажлисида кўриб чиқиб, қуйидагиларни

аниқлади:

Ўзбекистон Республикаси Савдо-саноат палатаси Қашқадарё вилоят худудий бошқармаси (бундан кейин матнда – палата деб юритилади) даъвогар "LITAI TEXTILE OVERSEAS" МЧЖ шаклидаги хорижий корхонаси (бундан кейин матнда - даъвогар деб юритилади) манфаатида Касби туманлараро иқтисодий судига даъво ариза билан мурожаат қилиб, жавобгар "ROZIQOV ABDURASHIT" фермер хўжалиги (бундан кейин матнда – жавобгар деб юритилади)дан 60.138.993 сўм асосий қарз, 66.981.000 сўм жарима ундиришни сўраган.

Суд мажлисида иштирок этган даъвогар вакиллари даъво талабларини қўллаб, даъвони қаноатлантириб беришни сўрашди.

Жавобгар вакили белгиланган тартибда суд мажлиси вақти ва жойи тўғрисида хабардор этилган бўлса-да, суд мажлисига келмади ва ўз эътирозларини билдирмади.

Мазкур ҳолатда суд ишни Ўзбекистон Республикаси Иқтиодий процессуал кодекси (бундан буён матнда ИПК деб юритилади)нинг 170-моддасига асосан ишни жавобгар иштирокисиз кўриб чиқишни лозим деб ҳисоблайди.

Суд тарафлар вакилларининг иш бўйича тушунтиришларини тинглаб, тақдим этилган ва ишдаги мавжуд ҳужжатларни ўрганиб чиқиб, ҳуйидагиларга асосан даъвони кўрмасдан ҳолдиришни лозим деб топади.

Иш ҳужжатларидан аниқланишича, Касби туманлараро иқтисодий судининг 4-1805-2302/2674-сонли иқтисодий иши бўйича 2023 йил 10 октябрдаги ҳал қилув қарори билан "ROZIQOV ABDURASHIT" фермер ҳўжалиги соддалаштирилган тартибда тўловга қобилиятсиз деб топилган ва тугатишга доир иш юритиш бошланган.

ИПКнинг 107-моддаси 9-бандига кўра, жавобгарга нисбатан тўловга қобилиятсизлик тўғрисида иш қўзғатилган бўлса ва жавобгарга нисбатан тақдим этилган талаб қонунга кўра тўловга қобилиятсизлик тўғрисидаги иш доирасида кўрилиши лозим бўлса, суд даъво аризасини кўрмасдан қолдиради деб белгиланган.

Ўзбекистон Республикаси Олий судининг 2019 йил 24 майдаги 13-сонли "Биринчи инстанция суди томонидан иктисодий процессуал қонун нормаларини қўллашнинг айрим масалалари тўғрисида"ги Қарорининг 21-бандида даъво аризасини курмасдан қолдириш низонинг мазмуни бўйича ҳал қилув қарори қабул қилмасдан туриб мухокамасини тамомлаш шаклларидан бири хисобланади. ИПКнинг 107кўрсатилган даъво аризасини кўрмасдан қолдириш асосларининг рўйхати тугал хисобланади ва кенгайтирилган тарзда талқин қилинишига йўл қўйилмайди. Даъво аризасини кўрмасдан қолдириш тўғрисида суд ажрим чиқаради ва у ИПКнинг 108-моддаси талабларига мувофиқ бўлиши кераклиги хақида тушунтириш берилган.

ИПК 118-моддасининг биринчи қисмига асосан суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилиши белгиланган.

Баён этилганларга кўра суд, даъвони кўрмасдан қолдиришни, даъвогар ҳисобидан республика бюджетига 2.542.399,86 сўм давлат божи ундиришни, олдиндан тўланган 34.000 сўм почта харажатини даъвогар зиммасида қолдиришни лозим деб топди.

Юқоридагилардан келиб чиқиб ҳамда Ўзбекистон Республикаси Иқтисодий процессуал кодексининг 107, 128, 170, 108, 195, 196-моддаларига асосланиб, суд

ажрим қилди:

Ўзбекистон Савдо-саноат палатаси Қашқадарё вилоят худудий бошқармасининг даъвогар "LITAI TEXTILE OVERSEAS" МЧЖ шаклидаги хорижий корхонаси манфаатида берган даъво аризаси кўрмасдан қолдирилсин.

Даъвогар "LITAI TEXTILE OVERSEAS" МЧЖ шаклидаги хорижий корхонаси ҳисобидан республика бюджетига 2.542.399,86 сўм давлат божи ундирилсин.

Олдиндан тўланган 34.000 сўм почта харажати даъвогар зиммасида қолдирилсин.

Ажрим нусхаси тарафларга юборилсин.

Ажрим қонуний кучга киргач суд харажати қисмига ижро варақаси берилсин.

Ажримдан норози томон бир ой ичида апелляция тартибида шикоят килиши (протест келтириши) м

Судья

Х.Ч.Абраев